

Ն. ԲԱՐԱԹԱՇՎԻԼԻ

ՄՏՈՐՄՈՒՆՔ ՔՀՌԻ ԱՓԻՆ

Գընացի գետափ, որ ցըրեմ մաշող իմ մտքերն աննինջ,
Փընտրեցի իմ հին, իմ ծանոթ տեղը, որ հանգչեմ մի
քիչ:

Ափին թիկնեցի, փուլ եկավ սիրտըս ու լաց եղա ես,
Իմ շուրջն էլ թախծոտ, իմ շուրջն էլ համակ տխուր էր
ինձ պես:

5 Ծանրը հուզվում է ու քրթմընջում է Քուռ գետը
անվերջ,

Դողում է, խաղում երկընթի լազուրն ալիքների մեջ:

Ու հեռվում մարող վառ վերջալուսի շողերի տակին,
Գետափին, մենակ, ականջ եմ դընում նըրա

աղմուկին:

— Քո՛ւռ, մա՛յր, դարերի անբարբառ վկա, հոսում ես՝

հուզվում,

10 Ո՛վ գիտի թե ո՛ւմ ինչ ես շըշընջում, ինչե՛ր ես ասում...